

Prijedlog

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH" br. 49/06 i 51/09), člana 9. i 10. Stav 1. Zakona o komunalnim djelatnostima Kantona Sarajevo ('Službene novine Federacije BiH' br. 14/16), člana 11, 12. i 14. Zakona o vodama Kantona Sarajevo („Službene novine Kantona Sarajevo“ br. 18/10 i 43/16), člana 55. i 104. Statuta općine Ilijaš - prečišćeni tekst ('Službene novine Kantona Sarajevo' br. 20/09), te člana 99. Poslovnika Općinskog vijeća Ilijaš ("Službene novine Kantona Sarajevo" br. 2/10), Općinsko vijeće Ilijaš na svojoj ____ sjednici održanoj _____.2017. godine, donijelo je:

ODLUKU

o povjeravanju na upravljanje i korištenje općinskih objekata za vodosnabdijevanje koji su u isključivom ili pretežnom vlasništvu općine

Član 1.

Javnom komunalnom preduzeću „Vodostan“ d.o.o. Ilijaš povjeravaju se na upravljanje i korištenje općinski objekti za vodosnabdijevanje koji su u isključivom ili pretežnom vlasništvu općine:

- vodovod za vodosnabdijevanje šireg područja Nišića koji se opskrbljuje pitkom vodom sa izvorišta „Junakovac“
- vodovod za vodosnabdijevanje šireg područja Crne Rijeke koji se opskrbljuje pitkom vodom sa izvorišta „Jasikovac“ i "Kokočevo vrelo“
- vodovod za vodosnabdijevanje šireg područja Donjih Čevljanovića koje se opskrbljuje pitkom vodom sa izvorišta „Crepala“ i „Ajkunino Vrelo“
- vodovod za vodosnabdijevanje šireg područja Srednje koje se opskrbljuje pitkom vodom sa izvorišta „Sokolina“
- vodovod za vodosnabdijevanje šireg područja MZ Dragoradi koji se opskrbljuje pitkom vodom sa izvorišta „Petnjik“, "Tuk", "Javor" i "Korita"

Član 2.

Javno komunalno preduzeće „Vodostan“ doo Ilijaš u snabdijevanju vodom i održavanju općinskih objekata za vodosnabdijevanje ima prava i dužnosti da :

- uredno snabdijeva pitkom vodom, osim u slučajevima više sile,
 - vrši opravku i održavanje vodovodnog sistema bez saglasnosti korisnika,
 - odgovara za ispravnost vodovodnog sistema i kontroliše higijensku ispravnost vode,
 - preuzme sve troškove tekućeg održavanja i troškove električne energije,
 - kreira i osigurava razvojne potrebe vodosnabdijevanja za novim količinama vode,
 - vrši realizaciju priključaka na vodovodnu mrežu u skladu sa odredbama Uredbe o opštim uslovima za snabdijevanje vodom za piće, obradu i odvodnju otpadnih i atmosferskih voda (Službene novine Kantona Sarajevo br. 29/13) uvažavajući kapacitete izvorišta i vodovodnih sistema.
- zaključiti ugovore sa potrošačima i vrši naplatu isporučene vode.

Član 3.

Cijena vode isporučena iz općinskih objekata za vodosnabdijevanje navedenih u članu 1. ove Odluke vršit će se po cjenovnicima utvrđenim od strane OV Ilijaš.

Član 4.

Stupanjem na snagu ove Odluke prestaju da važe: Odluka o povjeravanju na upravljanje grupnim vodovodima u MZ „Srednje i D.Čevljanovići“ i seoskog vodovoda u MZ „Nišići“ JKP „Vodostan“ Ilijaš br. 01-I-02-443/03 od 04.02.2003. godine i Izmjene i dopune Odluke o povjeravanju na upravljanje grupnim vodovodima u MZ Srednje, Donji Čevljanovići i Crna Rijeka i seoskog vodovoda u MZ Nišići – JKP „Vodostan“ Ilijaš br. 01-I-02-3350-8/05 od 29.11.2005.g.

Član 5.

Ova Odluka stupa na snagu danom objavljivanja u „Službenim novinama Kantona Sarajevo“.

Broj : 01 / 1 – 02 - ____ / 17
Ilijaš, _____.2017. godine

PREDSJEDAVAJUĆI
OPĆINSKOG VIJEĆA ILIJAŠ

Mahir Dević, prof.s.r.

OBRAZLOŽENJE

Pravni osnovu za donošenje navedene Odluke prevashodno se nalazi u odredbama Zakona o komunalnim djelatnostima Kantona Sarajevo (član 10. i 11), kojim je propisana nadležnost Općina i Gradova u cilju obezbjeđenja komunalnih usluga, u konkretnom slučaju snadbjevanje vododom iz vodovoda lokalnog značaja, odnosno propisan je način obezbjeđenja komunalne usluge.

Nadalje, pravni osnov za donošenje navedene Odluke je sadržan u odredbama Zakona o vodama Kantona Sarajevo, kojim je propisan način korištenja voda i organizacija upravljanja vodama. Članom 11. navedenog Zakona je propisano upravljanje vodnim objektima a što podrazumijeva skup odluka, aktivnosti i mjera s ciljem da se izgrađeni objekti održavaju u funkcionalnom smislu i koriste u skladu sa njihovom namjenom, odnosno članom 12. je definisano šta se smatra vodnim objektom za vodosnabdijevanje. Također, navedeni zakon svojim odredbama u članu 14. je definisao šta su općinski vodni objekti za vodosnabdijevanje, a koji su u isključivom ili pretežnom vlasništvu općine, kao i način utvrđivanja cijene.

Obzirom da su vodna dobra- izvorišta navedena u Odluci u skladu sa odredbama člana 7. Stav 1. Alineja 7. Zakona o vodama Federacije BiH (Sl.novine FBiH 70/06), odnosno člana 6. Stava 1. (Zakona o vodama KS 18/10), upisana i nalaze se u vlasništvu Općine Ilijaš, te da je Općina Ilijaš pripremila Elaborate zaštite navedenih izvorišta odnosno stvorila uslove za donošenje Odluke o zaštiti navedenih izvorišta, stekli su se novi uslovi da se navedeni vodni objekti kategoriziraju kao općinski vodni objekti za vodosnabdijevanje. Obzirom da je Općina Ilijaš iz Budžeta Općine i budžeta viših nivoa vlasti, u prethodnom periodu, uložila značajna sredstva u izgradnju i rekonstrukciju navedenih objekata za vodosnabdijevanje, potrebno je da se u cilju što kvalitetnijeg održavanja i uredne distribucije pitke vode navedena oblast uredi Odlukom Općinsko vijeća, odnosno navedeni vodni objekti povjere na upravljanje i korištenje JKP „Vodostan“ Ilijaš.

Također, pravni osnov za donošenje predmetne Odluke sadržan je u članu 13. Zakona o principima lokalne samouprave FBiH kojim su propisane nadležnosti Općinskog vijeća za donošenje Odluka, kao i Statutu općine Ilijaš, odnosno Poslovniku o radu Općinskog vijeća.

Na osnovu naprijed navedenog predlažemo Općinskom vijeću da u skladu sa Poslovnikom razmotri ponuđeni dokument te iste usvoji.

PREDLAGAČ
OPĆINSKI NAČELNIK
Fazlić Akif